

আত্মপ্রতিবিষ ; মাধবদর্শনের ইন্দ্রধনুতে সূর্য্যের সোপাধিক প্রতিবিষবৎ জগৎ নিরুপাধিক স্নোহের সোপাধিক প্রতিবিষ—সবগুলিতেই বিস্বেরই প্রতিস্বত রূপ প্রতিবিষ ।

অলঙ্কারের প্রতিবিষ তা নয় । দর্শনে বিস্বই সত্য (ultimate reality), তাই অদ্বৈতবাদ, বিশিষ্টই হোক আর অবিশিষ্টই হোক ; অলঙ্কারে বিস্ব প্রতিবিষ দুই-ই সত্য, তাই দ্বৈতবাদ । দার্শনিক তত্ত্বজ্ঞানে প্রতিবিষ অস্তধান করে, থাকে শুধু বিস্ব ; আলঙ্কারিক তত্ত্বজ্ঞানে একটা গূঢ় অর্থে পারস্পরিক সাদৃশ্য লাভ ক'রে মুখোমুখি দাঁড়িয়ে থাকে বিস্ব-প্রতিবিষ । বরঞ্চ, প্রতিবিষগত কল্পনা-সৌন্দর্য্যে অলঙ্কারের অলঙ্কারত্ব ব'লে প্রতিবিষটারই মূল্য রসিকের কাছে বেশী ।

ব্যুৎপত্তিনির্গয়ের প্রয়াস এখন থাক । আচার্য্যদের প্রতিবিষ-ধারণার একটা পরিচয় দেওয়ার চেষ্টা করি ।

‘দৃষ্টান্ত’-সংজ্ঞায় উক্তট বলছেন :

“ইষ্টশ্রাবশ্চ বিস্পষ্ট-প্রতিবিষপ্রদর্শনম্ ।

যথেষাদিপদৈঃ শ্ৰুতং বুধৈর্দৃষ্টান্ত উচ্যতে ॥”

—ইষ্ট অর্থের ‘যথা’-ইত্যাদিপদবর্জিত প্রতিবিষপ্রদর্শন (‘বুধ’গণের মতে) দৃষ্টান্ত অলঙ্কার । চূপিচূপি একটা কথা ব'লে নিই—‘বুধ’ (পণ্ডিত) কথাটি অর্থহীন, কারণ ‘দৃষ্টান্তে’র স্রষ্টা উক্তট স্বয়ং ; যেটা সম্পূর্ণরূপে নিজের মত বা পথ তাকে প্রাচীনতর আচার্য্যদের মত ব'লে ঘোষণা করা বিশেষ ক'রে কাশ্মীরীয় আলঙ্কারিকদের একটা অভ্যাস, যেমন করেছেন ‘ধ্বনি’কার সম্পূর্ণ নিজস্ব মত “কাব্যশ্চ আত্মা ধ্বনিঃ”-কে “বুধৈঃ সমাম্নাতপূর্ব্বঃ” ব'লে, অথচ তাঁর পূর্ব্বের ‘কাব্যের আত্মা ধ্বনি’ বলা তো দূরের কথা, কাব্যস্বত্রে ‘ধ্বনি’ কথাটারই প্রয়োগ কেউই করেন নাই । ফিরে আসি মূল কথায় :

‘ইষ্ট অর্থ’ মানে কবির বর্ণনীয় প্রকৃত বা প্রস্তুত ; প্রতিবিষটি ইষ্ট অর্থ নয় ব'লে অপ্রকৃত বা অপ্রস্তুত । প্রকৃত আর অপ্রকৃত পাশাপাশি থাকবে, তুলনাবাচক পদ ইত্যাদি থাকবে না, অপ্রকৃতটি হবে প্রকৃতের প্রতিবিষ । ব্যাখ্যাকার অভিনবগুপ্তগুরু প্রতীহারেন্দুরাজ বলছেন “প্রতিবিষং সদৃশং বস্তু” —প্রতিবিষ্যব্যাখ্যা এইটুকুতেই সমাপ্ত । ‘সদৃশ বস্তু’ যদি প্রতিবিষ হয়, তাহ'লে সাদৃশ্যস্বক অলঙ্কারমাত্রেরই উপমানটি (যেমন, ‘ভোমরার মতন কালো চুলের ভোমরা) প্রতিবিষ হ'য়ে যায় ; তবে শুধু দৃষ্টান্তের বেলায় প্রতিবিষ বলার সার্বকতা কি ? এ প্রশ্নের সোজা উত্তর না দিয়ে ইন্দুরাজ বলছেন, ‘যথা ইত্যাদিপদশ্ৰুত’—এই কথাটার আদি মানে সাধারণ ধর্ম্ম

(“উপমাদৌ অপি এবংবিধস্ত রূপস্ত সম্ভবঃ, তদ্বিরাকরণার্থম্ উক্তম্—  
‘যথেনাদিপদৈঃ শূভ্রম্’ ইতি। ‘আদ্বি’-গ্রহণেন অত্র সাধারণধর্মস্ত অপি  
পরিগ্রহঃ”)। তাহ’লে, ব্যাপারটা দাঁড়াল এই : দৃষ্টান্ত অলঙ্কারে প্রস্তুত  
(কবির অভীষ্ট) এবং অপ্রস্তুত ভাষায় ব্যক্তরূপে পাশাপাশি থাকে,  
তুলনাবাচক শব্দ থাকে না, সাধারণ ধর্ম থাকে না, অথচ অপ্রস্তুতটি হয়  
প্রস্তুতের প্রতিবিম্ব। এখন নূতন একটা প্রশ্ন জাগে : ‘ভোমরাচূলে কন্দ-  
ফুলের মালা’—‘ভোমরাচূলে’ লুপ্তোপমা, তুলনাবাচক শব্দ নাই, সাধারণ ধর্ম  
নাই; তবে ‘ভোমরা’ কি চূলের প্রতিবিম্ব? এর উত্তর—না; যেহেতু,  
তুলনাবাচক শব্দ আর সাধারণ ধর্ম (মতো, কালো) আছে, কিন্তু সম্মানে লুপ্ত  
অবস্থায়।

একাদশ শতাব্দীর মন্মটভট্ট প্রতিবিম্বকে জটিল করে তুললেন এই কথা  
ব’লে যে দৃষ্টান্তে সাধারণধর্মাদি সবকিছুরই প্রতিবিম্বন (“দৃষ্টান্তে পুনরেভেবাং  
সর্কেষাং প্রতিবিম্বনম্। এতেষাং সাধারণধর্মাদীনাম্”)। কিন্তু দৃষ্টান্তে যখন  
সাধারণ ধর্মই নাই, তখন সাধারণ ধর্মের প্রতিবিম্বন হয় কেমন করে? মন্মটের  
কঠিন নীরবতার মধ্যে কি অর্থ গুহাহিত হ’য়ে আছে, তিনিই জানেন।

দ্বাদশ শতাব্দীর রুঘ্যক অনেকটা স্পষ্ট—“সাধারণধর্মস্ত.....বিম্বপ্রতিবিম্ব-  
ভাবঃ দৃষ্টান্তবৎ”। লক্ষণীয় যে এখানে প্রতিবিম্বের সঙ্গে বিম্ব কথাটা যুক্ত  
হয়েছে; নিশ্চয় নূতন সংবাদ। পরবর্তী আলঙ্কারিকরা ‘বিম্ব-প্রতিবিম্ব’ কথাটা  
প্রয়োগ করেছেন রুঘ্যকেরই অনুসরণে। আমাদের উদ্ধৃতিটুকুর ব্যাখ্যা করতে  
গিয়ে টীকাকার সমুদ্রবন্ধ বা বলেছেন তাতে ব্যাপারটা আরও পরিষ্কার হ’য়ে  
উঠেছে। তিনি বলেছেন, বিম্বপ্রতিবিম্ব মানে পারস্পরিক সাদৃশ্য; এই  
বিম্বপ্রতিবিম্ব ধর্ম আর ধর্মী দুয়েরই (“বিম্বপ্রতিবিম্বভাবঃ মিথঃ  
সাদৃশ্যম্, অয়ং তু ধর্মধর্মিণোঃ উভয়োঃ অপি ভবতি”)। প্রস্তুত মানে  
প্রস্তুতের ধর্ম (বিম্ব) এবং অপ্রস্তুতের ধর্ম (প্রতিবিম্ব)। প্রস্তুত মানে  
ধর্মযুক্ত প্রস্তুত অর্থাৎ উপমেন্ন (বিম্ব) এবং ধর্মযুক্ত অপ্রস্তুত অর্থাৎ  
উপমান (প্রতিবিম্ব)। এর নিষ্কর্ষ এই যে দৃষ্টান্তে ধর্মহ্রুতি পরস্পরের  
সদৃশ। অতীত মূল্যবান এই কথাটি। চতুর্দশ শতাব্দীর বিশ্বনাথও এই  
ধর্মহ্রুতির সম্পর্ক-সম্বন্ধে বলেছেন, “সাম্যম্ এব, ন তু ঐকরূপ্যম্”—ও শু সাদৃশ্য,  
(প্রতিবস্তুপমার মতন) একার্থকতা নয়।

বিম্বপ্রতিবিম্বভাবাপন্ন অসাধারণ উপমার ছুটি সুন্দর উদাহরণ পাচ্ছি—  
একটি রবীন্দ্রনাথের ‘মানসসুন্দরী’ কবিতায় আর একটি রুঘ্যকের ‘অলঙ্কার-

সৰ্ব্বম্ব' গ্রন্থে। আশ্চর্য্য এই যে দুই কবিই এক কথা বলেছেন। প্রথমে সংস্কৃত কবিতাটির মূলশব্দ বথাসম্ভব বজায় রেখে অল্পবাদ করি; এতে স্ত্রবিধা হবে এই যে এর ভিতরকার বিশ্বপ্রতিবিশ্বভাবটি টীকাকারের চোখ দিয়েই দেখতে পাব। পরে দেব এর তরল (অবশ্য বথাসম্ভব ম্লাভুগত) অল্পবাদ। (মূলটুকু হ'ল—

“বলিতকঙ্করমাননম্ আবৃত্তবৃত্তশতপত্রনিভম্”।)

‘বলিতকঙ্কর ওই তোমার আনন,

সুন্দরি, আবৃত্তবৃত্ত পদ্যের মতন।’—শ. চ.

—‘বলিত’=ভঙ্গীভরে বাঁকানো, ‘কঙ্করা’=গ্রীবা; ‘আবৃত্ত’=উণ্টে পড়া। অলঙ্কার পূর্ণোপমা: উপমেয় ‘আনন’, উপমান ‘পদ্য’। বলিত কঙ্করা যার সেই আননখানি আবৃত্ত বৃত্ত যার সেই পদ্যের মতন—এই হ'ল সমাসভাঙা সরল রূপ। এখানে কবি শুধু পদ্যের সঙ্গে মুখের তুলনা করছেন না; করছেন বৃত্তলগ্ন পদ্যের সঙ্গে গ্রীবালগ্ন মুখের। স্ত্রতরাং বৃত্তের সঙ্গে গ্রীবার প্রচ্ছন্ন তুলনা রয়েছে। গ্রীবা, বৃত্ত দুটিই বিশেষ্যপদ; কিন্তু লক্ষ্য করলেই দেখা যাবে যে বৃত্ত আর গ্রীবা বথাক্রমে পদ্য আর মুখের বিশেষণ-ভাবাপন্ন। ফলে বৃত্ত হ'বে উঠেছে পদ্যের ধর্ম, গ্রীবা মুখের ধর্ম। মূলে ‘বলিতকঙ্কর’ আব ‘আবৃত্তবৃত্ত’ বহুব্রীহি সমাসের ফলে বিশেষণ। আবার, ‘বলিত’ ‘কঙ্করা’ব এবং ‘আবৃত্ত’ ‘বৃত্তের’ বিশেষণ—ভাষায় ভিন্ন, অর্থে এক; তাই ‘বলিত-আবৃত্ত’ বৃত্তপ্রতিবৃত্তভাবাপন্ন। পরিশেষে পরস্পরসদৃশ গ্রীবা আর বৃত্ত বথাক্রমে মুখ আর পদ্যের সঙ্গে আপেক্ষিকভাবে (relatively to the face and the lotus) বিশ্বপ্রতিবিশ্বভাবাপন্ন সাধারণ ধর্ম (‘কঙ্করাবৃত্তয়ো: মুখশতপত্রাপেক্ষয়া সাধারণধর্মত্বাতিপ্রায়েণ বিশ্বপ্রতিবিশ্বভাব: এব’—অলঙ্কারসর্বস্বব্যাপ্যায় সমুদ্রবন্ধ)। সহজ কথায়, গ্রীবা আর বৃত্ত হ'ল মুখ আর পদ্যের সাধারণ ধর্ম—গ্রীবা বিশ্ব, বৃত্ত প্রতিবিশ্ব। এই আলোকে রবীন্দ্রনাথের কবিতাংশটুকু দেখলেই বিশ্বপ্রতিবিশ্ব মৃষ্টি ধ'রে দাঁড়াবে। এর পাশেই দিচ্ছি সংস্কৃতটির তবল অল্পবাদ।

(i) “নবশ্ফুট পুষ্পসম

হেলায়ে বঙ্কিম গ্রীবা বৃত্ত নিরূপম

মুখখানি তুলে ধোরো।”

—রবীন্দ্রনাথ।

(ii) ‘বাঁকিয়ে তোলা গ্রীবায় তোমার আননখানি

উণ্টে পড়া বৃত্তে কমলসম, রানি।’ —শ. চ.

—রবীন্দ্রনাথের কবিতাংশটিতে ‘নবস্ফুট পুষ্পসম মুখখানি’ এইটুকু হ’ল সরল উপমার রূপ। কিন্তু ‘এহো বাহু’। কবির চিত্রখানির ষোলোকলায় পূর্ণ সৌন্দর্য্য হেলায়ে, গ্রীবা, বৃন্ত, পুষ্প, মুখ সবকিছুর সমগ্রতায়। এখানে গ্রীবাবৃন্তহীন মুখপুষ্প আকাশকুসুম, রসদৃষ্টিতে অসুন্দর। হেলানো বন্ধিম গ্রীবায় নবস্ফুট ( লক্ষণায়, ঘোবনে সত্ত্ব-উদ্ভিন্ন ) মুখ হেলানো নিরুপম বৃন্তে নবস্ফুট পুষ্পের মতন—পরিপূর্ণ চিত্র। একটু লক্ষ্য করলেই দেখা যাবে যে এখানেও ( সংস্কৃতটির মতন ) উপমার ভিতর উপমা রয়েছে—মুখ আর পুষ্পকে নিয়ে যে মুখ উপমা তারই সহকারী হ’য়ে গৌণ উপমা রয়েছে গ্রীবা আর বৃন্তকে নিয়ে—বৃন্তের মতন গ্রীবায় পুষ্পের মতন মুখ। এইজাতীয় উপমার পীযুষবর্ষ জয়দেব তাঁর ‘চন্দ্রালোকে’ নাম দিয়েছেন ‘সুবকোপমা’। গৌণ উপমাটিতে উপমেয় ‘গ্রীবা’, উপমান ‘বৃন্ত’, বৃন্তপ্রতিবৃন্তভাবে সাধারণ ধর্ম ‘বন্ধিম-নিরুপম’। ‘নিরুপম’ মানে, এখানে, উপমাহীন নয়, কোনো কিছুর উপমা দিয়ে তাকে আর ‘নিরুপম’ বলা চলে না; ‘নিরুপম’=অত্যন্ত সুন্দর। ‘গ্রীবা বৃন্ত’-কে রূপক অলঙ্কার বলা ভুল, মুখকে ফুলের মতন বললে গ্রীবায় বৃন্তের অভেদ-আরোপ অসঙ্গত হয়। এখানেও গ্রীবাবিশিষ্ট মুখের বৃন্তবিশিষ্ট পুষ্পের সঙ্গে তুলনা ব’লে ‘গ্রীবা’ আর ‘বৃন্ত’ যথাক্রমে মুখ আর পুষ্পের সম্পর্কে বিশ্বপ্রতিবিশ্বত্বাবাপন্ন সাধারণ ধর্ম।

এইবার দেখা যাক সপ্তদশ শতাব্দীর পণ্ডিতরাজ জগন্নাথ তাঁর সুপ্রসিদ্ধ ‘রসগন্ধাধরে’ কি বলছেন বিশ্বপ্রতিবিশ্ব-সম্বন্ধে। তাঁর একটি উদাহরণ: “চলৎ-ভৃঙ্গমিবাস্তোজমধীরনয়নং মুখম্”। বাঙলায়

‘চলৎ-ভৃঙ্গ পঙ্কজসম অধীরনয়ন মুখ’—শ. চ.

—বহুব্রীহি সমাসে বিশেষণ ‘চলৎ-ভৃঙ্গ’ আর ‘অধীরনয়ন’ যথাক্রমে পঙ্কজ আর মুখকে বিশিষ্ট করছে। জগন্নাথ বলছেন, ‘চলৎ’ ‘অধীর’ বিশেষণদ্বটির অর্থ এক হ’লেও প্রকাশের ভাষা বিভিন্ন ব’লে এদের বৃন্তপ্রতিবৃন্তত্বাব ( রবীন্দ্রনাথে এবং কব্যকেও এই ব্যাপার দেখিয়ে এলাম )। এদের দ্বারা বিশিষ্ট বিশেষ্যপদ ভৃঙ্গ আর নয়নের বিশ্বপ্রতিবিশ্বত্বাব ( “অত্র চলনাদধীরত্বয়োঃ বিশেষণয়োঃ বৃন্ততঃ একরূপয়োঃ অপি শব্দদ্বয়েন উপাদানাৎ বৃন্তপ্রতিবৃন্তত্বাবঃ। তদ্বিশেষণকয়োঃ চ ভৃঙ্গনয়নয়োঃ বিশ্বপ্রতিবিশ্বত্বাবঃ” )। জগন্নাথের মন্তব্য থেকে মনে হ’তে পারে যে উপমান পঙ্কজের ধর্ম ভৃঙ্গ হ’ল বিশ্ব আর উপমেয় মুখের ধর্ম নয়ন প্রতিবিশ্ব। বৃন্তত্বঃ তা নয়। তিনি উদাহরণে আগে দিয়েছেন উপমান ( আস্তোজ=পদ্ম ), পরে দিয়েছেন উপমেয় ( মুখ )। তাই উপমানের ধর্ম

ভৃঙ্গকে আগে দিয়ে তার সঙ্গে দ্বন্দ্ব সমাস করেছেন উপমেয়ের ধর্ম নয়নের। এ অবস্থায় লিখতে হয় ‘ভৃঙ্গনয়নয়ো: প্রতিবিষবিষভাবঃ’, কিন্তু দ্বন্দ্ব সমাসে অল্পস্বর-বিশিষ্ট পদ আগে বসে; তাই প্রতিবিষকে পরে দিয়ে বিষকে তিনি আগে বসিয়েছেন। উপমেয়ের ধর্ম বিষ আর উপমানের ধর্ম প্রতিবিষ একথা জগন্নাথই বলেছেন—‘উপমেয়ের ধর্ম এবং উপমানের ধর্ম অ-সাধারণ (not common to both উপমেয় and উপমান, different) হ’লেও তাদের সাদৃশ্যের ভিত্তিতে অভেদ-অধ্যবসায়ের দ্বারা সাধারণত্ব কল্পনা করা হয় এবং এই কল্পনা থেকেই হয় উপমাসিদ্ধি। একেই প্রাচীনগণ বলেছেন **বিষপ্রতিবিষভাব**’ ( “উপমেয়গতানাম্ উপমানগতানাং চ অসাধারণানাম্ অপি ধর্মাণাং সাদৃশ্যমূলেন অভেদাধ্যবসায়েন সাধারণত্বকল্পনাং উপমাসিদ্ধিঃ। অয়ম্ এব বিষপ্রতিবিষভাবঃ ইতি প্রাচীনৈ: অভিধীয়তে” )।

তিনটি উদাহরণেই দেখলাম মূল বিষপ্রতিবিষের সঙ্গে জড়িয়ে রয়েছে বস্তুপ্রতিবস্তু। এটা দোষ নয়, গুণ; বড়ো কবিদের রচনায় এরকম হ’য়েই থাকে। জগন্নাথ নিজে কবি; দেখে-শুনেই তিনি বলেছেন—“...ধর্মঃ কচিৎ চ কেবলং বিষপ্রতিবিষভাবাপন্নঃ, কচিৎ বস্তুপ্রতিবস্তুভাবেন কর্ণাঙ্ঘ্রিতঃ বিষ-প্রতিবিষভাবঃ...”।

এখানে একটা প্রশ্ন উঠতে পারে : বস্তুপ্রতিবস্তুভাবের বিশেষণ সাধারণ ধর্মের কাজ ক’রে বিষধর্ম আর প্রতিবিষধর্ম যে সদৃশ তা যখন স্পষ্টই দেখিয়ে দিচ্ছে, তখন সাদৃশ্যকে প্রণিধানগম্য বলেন কেমন ক’রে ?

একটা উদাহরণ তৈরী ক’রে এর উত্তর দিচ্ছি—

একটু আগেই বলেছি যে প্রকৃতির ধর্ম অপ্রকৃতির ধর্ম সদৃশ হ’লে তবেই ওরা হয় বিষপ্রতিবিষভাবের সাধারণ ধর্ম; আবার, দুই ধর্ম সদৃশ হ’লে ওরা স্বয়ং উপমেয় উপমানের মতন হ’য়ে পড়ে। জগন্নাথের উদাহরণটির বিষ-প্রতিবিষ সাধারণ ধর্ম অংশকে উপমার মতন সাজালে হয়—‘**চপল মধুকরের মতো নয়ন চঞ্চল**’ ( শ. চ. )। এর ‘মধুকর’-এর জায়গায় বসিয়ে দিই ‘প্রজাপতি’ :

‘**চপল প্রজাপতির মতো নয়ন চঞ্চল**’ ( শ. চ. )।

দেখা যাচ্ছে যে স্বভাব-চঞ্চল মধুকরের মতন স্বভাবচঞ্চল প্রজাপতিকে নিয়েও চোখের চাঞ্চল্যের মাত্রা ঠিকই আছে। নয়ন-প্রজাপতি সদৃশ যখন তখন বিষপ্রতিবিষ বলতে হবে বই কি। কিন্তু এই ভাষিত সাদৃশ্যের অন্তরালে তো কোনো **আভাসিত** সাদৃশ্যের সন্ধান দিচ্ছে না প্রজাপতি, যা পাচ্ছি মধুকরের